

bas, & sine parabola nihil loquutus est illis, ut compleretur quod dictum fuerat per Prophetam, qui ait: Aperiam in parabolis os meum, eructabo abscondita à constitutione mundi. Cui apprimè concinit Tertullianus lib.iiii. aduersus Marcionem, Nec forma (inquit) sermonis in Christo noua, cum similitudines obijcit, cum quæstiones refutat. De LXX. uenit psalmo: Aperiam, inquit, in parabolam os meum. id est, similitudine. cloquar problema, id est, edisseram quæstiones. Et mox ibidem indicat cur similitudinibus usus sit Christus. Consentanea scribit & Origenes capite in Matth. decimotertio: Nam si turbis loquebatur in parabolis, & sine parabolis non loquebatur eis: ceterum ubi uenerat in domum, non loquitur turbis, sed accedentibus ad ipsum in ea discipulis, perspicuum est, non esse parabolas quæ in domo loquutus est. His enim qui foris sunt loquitur per parabolas, & quibus non est datum scire mysterium regni caelorum. Dixerit igitur aliquis: Si non sunt hæc pa-